

SENAMROBIK BERSAMA CANSELOR SATUKAN WARGA UniMAP

Universiti Malaysia Perlis telah menganjurkan satu program senamrobik bersama DYTM Tuanku Syed Faizuddin Putra Ibni Tuanku Syed Sirajuddin Jamalullail, Tuanku Canselor UniMAP dan DYTM Tuanku Hajjah Lailatul Shahreen Akashah, Raja Puan Muda Perlis. Senamrobik bersama Canselor ini telah diadakan pada 16 Januari 2007 bertempat di Dataran Hal Ehwal Pelajar, Kampus Kubang Gajah, Arau, Perlis.

Kol. Prof. Dato' Dr. Kamarudin Hussin, Naib Canselor UniMAP telah mengetuai kira-kira 800 orang warga UniMAP yang terdiri dari Pegawai-pegawai Utama universiti, Ketua-ketua jabatan, Dekan-dekan Pusat Pengajian Kejuruteraan UniMAP, kakitangan Pengurusan dan Profesional serta saf sokongan.

Menurut Dato' Dr. Kamarudin, program senamrobik ini telah mencecah tahun yang ketiga dilaksanakan dan akan menjadi program tahunan universiti. Katanya lagi, program ini secara tidak langsung dapat mengeratkan hubungan warga UniMAP memandangkan jumlah kakitangannya semakin bertambah. Pihak pengurusan sedar jumlah warga UniMAP yang semakin bertambah ini ditambah pula dengan konsep "distributed campus" akan menyebabkan hubungan kemesraan itu akan sedikit terjejas.

Setidak-tidaknya melalui aktiviti beriadah begini semua warga UniMAP dapat disatukan di dalam satu program bersama. Adalah diharapkan semua warga UniMAP yang mengambil bahagian di dalam program senamrobik ini dapat mengambil kesempatan untuk saling berkenalan di antara satu sama lain, ujar NC UniMAP.

Program Senamrobik Bersama Canselor UniMAP 2007 ini turut diserikan lagi dengan segmen Khas Senamrobik, selain tarian "Poco-poco" dan "Chicken Dance".

